

左恪靖侯奏稿初編

恪靖奏稿初編卷二十五目錄

閩軍剿賊獲勝現籌辦理情形摺

附陳湘軍索餉爭鬧情形片

浙省庫欸支絀請免撥添協閩餉摺

擊賊獲勝各軍分道進剿摺

請將救撥不力之將備革職拏問片

分路進剿大勝現籌辦理情形摺

奏報克復鎮平縣城追剿獲勝情形摺

附陳鮑提督所部仍請由該員自爲主持片

覆陳查明侍逆已爲汪逆所殺情形片

陳請准將曾道開缺俟補缺後送部片

克復武康等城暨截剿竄賊出力員弁請獎摺

請給楊臬司三代二品封典以示優獎片

請將助剿出力洋將給予加銜翎頂片

查明迭次打仗陣亡傷故員弁請議卹

閩軍剿賊捷勝現籌辦理情形摺

奏爲官軍剿賊獲勝現籌辦理情形恭摺馳奏仰祈

聖鑒事竊康國器一軍由嘉應州屬松源進駐高山擊
賊獲勝後六月初九日探知汪逆遣黨五六百人於棠
海亭地方築卡盤踞官軍進攻之路康國器卽飭吳光
亮林本康熊飛羅洪標熊應烈等乘夜疾進比抵賊卡
甫轉四更官軍乘賊不意將火箭火彈一齊施放鎗礮
繼之羣賊驚潰官軍縱擊斃賊百餘名生擒十二名奪
騾馬五匹旂幟器械二百餘件逆遁回鎮平去先是僞

陪王譚富遣黨密赴康國器營輸款康國器令其潛圖
汪逆旋因事洩譚富急率其黨五百餘乘間脫走赴廣
東藩司李福泰營乞撫偽朝將莫恩亦率黨三百餘人
投入康國器所部都司湯彪營中汪逆自譚富等脫走
後猜疑日甚各路設卡派親信賊黨稽察並嚇逼營叛
勇黃矮子等分踞鎮平西南四十里黃杭東西陂磁溪
一帶均固匿不出二十七日康國器親督各營由高思
一路前進七月初二日飭羅洪標熊應烈湯彪所部進
紫距鎮平二十里程官埠初六日飭康熊飛吳光亮由

左路進攻石坑排賊壘林本開鎮邦由右路進攻藍坊
賊壘羅洪標熊應烈湯彪由程官埠進攻南坑頭賊壘
康熊飛吳光亮甫抵石坑排該逆傾巢出拒康熊飛督
哨弁羅魁康達等奮威衝擊吳光亮繼之轟擊逾時斃
賊二十餘名賊仍死拒吳光亮密飭吳光忠分隊由間
道抄出賊後兩面夾擊賊大潰乘勢攻破一壘殺悍賊
三十餘名生擒十二名餘賊適棄壘翻山而遁當將石
坑排賊壘三座同時攻拔其藍坊之逆見官軍大隊馳
至卽率眾來迎林本開鎮邦分路痛擊賊應鎗倒者不

計其數鏖戰十餘合賊勢不支紛退入壘適康熊飛吳
光亮等將石坑排賊壘攻破各率所部轉戰而來林本
關鎮邦遂麾令各勇四面攻擊林本首先破柵而入各
勇繼之斃賊二百餘名生擒二十四名將藍坊賊壘破
毀追至高拱橋聞南坑大鎗礮之聲不絕時羅洪標熊
應烈湯彪逼攻南坑頭賊壘上垂破矣適逆首何明亮
率悍賊數千飛奔來援康熊飛吳光亮林本關鎮邦從
山中橫出截之與羅洪標等併力夾擊立將南坑頭賊
壘攻破斃守賊百餘名逆首何明亮猶執旗令羣賊拚

死來衝官軍往來決盪十餘次愈戰愈奮賊勢不去紛
紛棄械狂竄官軍追至鎮平東門十二里峯口村始收
隊而還計是役斃賊一千數百名生擒二十餘名奪鎗
砲旂幟九百餘件官軍亦陣亡九名受傷二十一名是
日汪逆自率死黨來分水坳一窺巖前一窺猪股峽均
經高連陞黃少春擊退初八日康國器復督各勇分三
路進剿康熊飛林本行抵南坑頭瞥見前面山岡賊旂
密布逆首胡嘯子親率悍黨三萬餘結陣以待時吳光
亮關鎮邦亦督勇馳至遂列於左右山脚以鎗礮仰攻

該逆死據山巔不退相持至午適前約降之僞天將李
積曾務鄧伯才年進恒僞朝將陸鵬鄧成李香鄧金麥
祖等率黨四千餘人內應自焚其壘衝出該逆後隊驚
潰康熊飛林木乘勢搶上山巔督勇奮擊吳光亮開鎮
邦等繼之逆首胡瞎子被創墜馬遁走各軍刀砍矛刺
斃賊一千餘名追逼落崖死者無算官軍追至距鎮平
南門八里大雨傾注始行收隊計是役共斃賊二千數
百名生擒百餘名奪騾馬二十餘匹旂幟器械一千一
百餘件官軍陣亡十一名受傷二十四名此康國器一

軍連獲大捷之實在情形也竊惟汪逆海洋竄伏鎮平
縣城後因圖兼併侍逆餘黨先鋤異已者以立威賊中
猜怨益甚而與賊則意在搶掠本非該逆死黨除僞東
平王一股及翟火姑林正揚外各懷去逆效順之心汪
逆所以頑距鎮平未卽遠戡者亦慮羣情瓦解一動卽
散耳然鎮平居粵閩嶺脊中巖谷幽險掠食維艱其勢
斷難久踞現在康國器開鎮邦兩軍攻其東南距鎮平
縣城不過二十里或十餘里高連陞黃少春劉清亮分
紮武平邊境之巖前中赤下塌地在鎮平之北距鎮平

縣城四十五里或三十餘里等又飭道員張恒祥率所部由上杭赴巖前替高連陞分紮巖前之軍回中赤以助下壩之防按察使王德榜率所部由上杭以趨象洞記名提督劉清亮率所部移駐盤龍岡皆以防爲剿其幫辦軍務劉典一軍駐汀州本擬爲援江西之軍見在江西無賊暫移駐濯田出行隊以助武平如賊蹤竄向江西自當就近趨援江西以期兼顧以此時局勢而論鎮平東南及東面北面閩軍已互相聯絡長圍壓賊之勢已成惟鎮平西路西南路可通興甯長樂龍川其

地距閩較遠中隔賊氛必須粵軍自爲截剿非閩軍所能代爲之謀是固地勢限之也高連陞來牘述廣東藩司李福泰函稱花旗各賊竄距龍川現催卓興先將花旗撲滅而後集龍長之師全力以規鎮平果能如其所擬則鎮平西路西南路竄蹤盡斷汪逆一股自可剋期剿除淨盡但未知卓興果能任此俾粵軍與閩軍同收夾擊之效否耳所有閩軍剿賊情形謹據實馳

奏伏乞

皇上聖鑒訓示施行再此摺係臣宗棠主稿合併陳明

謹

奏 同治四年七月二十三日

軍機大臣奉

旨另有旨欽此

附陳湘軍索餉爭鬧情形片

再臣欽奉同治四年六月二十一日

寄諭王開琳一軍新湘營既須整頓老湘營何以亦有
索餉爭鬧情事著左棠棠等迅速查辦該營餉項以固
軍心孫長祚卽飭王開琳趕緊整飭隊伍刻日到防由

贛州一路督軍前進欽此伏查老湘營自咸豐十年隨
臣宗棠剿賊陸續增至三千三百人先係保升總兵王
開琳管帶後王開琳丁憂告假臣宗棠委現任吉南贛
甯道王文瑞管帶王文瑞假歸後仍委王開琳接帶上
年赴江西之援時王文瑞已任吉南贛甯道稟明撫臣
沈葆楨增募勇丁四千名編爲新湘九營其餉由江西
籌給而營官哨長均由老湘分撥併歸王開琳統帶欸
後隨同赴閩援剿名爲援閩實則爲江西固圍計耳臣
宗棠以江西旣爲固圍計自應以防邊爲重其老湘之

食漸餉者固與新湘同一統帶之員不便分調故當汀漳龍戰事方亟時王開琳全軍僅由汀州至永定而止臣並未嘗他調也四月二十二日永定獵射四之敗新湘六營老湘兩營俱陷宿將丁長勝死之爲臣軍從來未有之事究其至敗之由則實因米糧匱乏軍士饑疲所致臣當飭解月餉令王開琳加意整理拔赴贛州以助江西之防王開琳抵贛後稟老湘左翼營左營忽有索餉聚鬧情事並稱老勇口糧多者欠銀百餘兩少者亦欠八九十兩臣查老湘營自咸豐十年成軍以來舊

餉截至同治三年底止共止欠發銀八萬六千八百餘兩新餉截至本年閏五月止共止欠發銀二萬四千餘兩計每勇一名均勻攤算實欠不過三十餘兩臣入閩之初以閩餉罄竭諭各軍以浙江每月定協閩餉十四萬兩新餉可源源而來其舊餉均截算至同治三年底止暫緩清給各軍知新餉旋來舊餉有著並無異詞本年正月曾附片奏明在案各軍同一支放章程何以該老湘一軍忽敢譟索並稱積欠至八九十兩百兩之多旋查新湘各營月餉須二萬三四千兩入閩以來江省

每月多則僅解銀七千兩少則解銀五六千兩計每勇夫一名勻算每月僅止得銀一兩上下較之老湘短絀懸殊又其時汀龍一帶米價騰踊斗米千錢尙無買處新營勇夫每日每名得銀不過三分半飽尙憂不足王開琳因新勇餒潰不得不於老勇浙餉內挪墊勻給而老勇以已分應得之浙餉爲新勇所分心懷不服宜其譟索隨之臣宗棠當卽嚴加批飭責令清釐旋據王開琳稟斬其倡首者六人而事已定據稟已由贛州開赴安遠挽紮未聞有他大約江西續發新湘之餉其事始

息也又據臬司王德榜稟所部長左三營勇丁一千五百名舊隸江西食江西之餉上年在江曾指舊欠餉銀十一箇月自十月奏調援閩截至本年閏五月止僅領到江西餉銀二萬四千餘兩本年又欠發新餉銀四萬兩王德榜疊次請領江省皆不發給長左三營幾致譁潰幸將所部開餉通融勻給乃資敷衍竊惟江西各軍食江餉而援閩者惟新湘營四千入長左營一千五百人而江西不隨時酌給致王開琳王德榜不得不挪閩浙之餉給之而王開琳所部食江西餉者又多於食浙

餉者以漸餉勻給食江餉之勇夫挹彼注茲尤形不足
則亦無怪食漸餉者之譟索矣現准江西護撫臣咨照
王德榜所請以欠給長左三營餉三萬九千餘兩就近
對撥王開琳所部老湘營臣擬卽以此劃給該軍舊餉
而新餉仍按月照發此後自可無事惟是譟索之端一
嗣土氣已囂然不靖如江西之餉必譟索而後可得則
各軍保無效尤而起者乎霆營叛勇何嘗非有功江西
之人祇因積欠過多有所藉口遂致決裂不可收拾厥
後婁雲慶一軍人間數月僅得餉二萬兩並向領食米

亦概停不發迨軍中大譁擁至贛州而後江西乃發餉
銀七萬兩夫使知士卒困饑而躁之不可禁也則曷若
以此七萬之餉先勻給之而必俟其謀索而後發乎臣
觀各省近時籌餉用餉情形實不免鯁鯁過慮不禁煩
瑣陳之伏乞

皇上聖鑒謹

奏

同治四年七月二十三日

軍機大臣奉

旨另有旨欽此

軍機大臣 字寄閩浙總督一等恪靖伯左宗棠廣州
將軍兼署兩廣總督瑞麟福建巡撫徐宗幹江西巡撫
劉坤一署廣東巡撫郭嵩燾傳諭護理江西巡撫布政
使孫長絳同治四年八月十五日奉

上諭左宗棠徐宗幹奏閩軍剿賊獲勝一招康國器一
軍進剿鎮平賊匪疊破石坑排藍坊藍坑頭等處逆壘
共斃賊三千餘名剿辦甚爲得手汪逆竄伏鎮平疊經
閩粵各軍圍逼勢孤力竭其勢斷難久踞惟窮極思竄
自在意中現在康國器開鎮邦兩軍攻其東南距鎮城

僅十餘里高連陞黃少春等軍並分布鎮城之北皆相距數十里是東南北三面已成長圍之勢惟鎮平西路西南路可通與留長樂龍川閩軍尙難兼顧自係實在情形本月十三日已有旨令左宗棠馳赴粵境調遣三省之軍合力攻剿卽著左宗棠剋期進紮將江粵各軍應如何布置務臻周密之處相機妥辦迅奏膚功左宗棠起程以後閩省邊防事宜徐宗幹當隨時咨商左宗棠認真籌辦卓興一軍剿辦花旗股匪情形若何著瑞麟郭嵩燾嚴飭實力進剿迅圖撲滅以便騰出兵力合

攻鎮平毋得曠日持久顧此失彼劉坤一孫長紱當恪
遵疊次諭旨檄飭江省防軍進紮粵境合力圍攻鎮平
以竟全功毋得徒事防守本境左宗棠另片奏王開琳
等所部各營餉絀爭鬧情形軍營餉需刻不容緩江省
於該軍應發之餉何以任意遲延直至該營滋鬧始行
發給適開譟索之端孫長紱於此事辦理實屬不善嗣
後新老湘營及粵雲慶所部各營餉銀著劉坤一等源
源撥解毋令缺乏將此由六百里諭知左宗棠瑞麟徐
宗幹劉坤一郭嵩燾並傳諭孫長紱知之欽此

浙省庫欸支絀請免撙添協閩餉摺

奏爲浙省庫欸支絀添撙協閩餉懇

恩免撙恭摺仰祈

聖鑒事竊臣欽奉同治四年三月二十八日

上諭官文所稱湖北每月協洛福建雲南貴州餉銀各一萬兩請卽停止以便專解甘肅其滇黔閩三省軍餉請由附近之浙江四川勻撙一節滇黔之餉若照曾國藩所擬將來自可由川湘兩省分任惟福建之餉能否專由浙省供支著左宗棠馬新貽酌定協撙之數迅速

具奏以便卽照官文所請辦理欽此並准浙江撫臣馬
新貽恭錄

諭旨咨商到臣當以湖北應協閩餉自奉

旨派撥之日起未嘗解過分釐現在閩省協餉僅祇浙
省按月報解湖北從未協濟並無所謂改撥咨覆在案
茲准馬新貽咨據浙江布政司蔣益澧會同軍需局司
道詳稱湖北協濟閩餉既未解過閩省協餉惟藉浙江
接濟此時浙省每月協解閩餉銀十四萬兩甘餉銀二
萬兩已屬竭蹶萬分所有奉撥湖北協濟閩餉銀每月

一萬兩浙省實在無力籌措詳請

奏懇免撥等情轉咨前來臣覆查無異相應請

旨俯准將湖北每月協濟閩餉銀一萬兩免歸浙省添
撥以免貽悞謹會同浙江撫臣馬新貽合詞恭摺具

奏伏

皇太

皇上聖鑒謹

奏同治四年七月二十三日

軍機大臣奉

旨戶部速議具奏欽此

擊賊獲勝各軍分道進剿摺

奏爲官軍剿賊獲勝現飭各軍分道進剿恭摺馳奏仰
祈

聖鑒事竊康國器一軍進駐鎮平東南高思程官埠將
石排坑藍坊南坑頭等處賊壘掃蕩後七月十三日汪
逆海洋復率悍黨二萬餘分八路漫山遍野而來康國
器飭各營嚴陣以待汪逆以大隊屯距各處山巔另挑
悍賊萬餘直撲程官埠營壘營官林本熊應烈羅洪標
馮南斌等督隊更番猛戰自辰至未殺賊二百數十名

斬馘三十三級賊勢稍却康國器復飭康熊飛率昭武
兩營袁岳雲率德義一營橫截而出該逆分黨來拒康
熊飛等麾軍痛擊斃悍賊三百餘名斬馘四十五級生
擒僞神將祝雲等正酣戰間適吳光亮關鎮邦率所部
分路抄截又斃悍賊二百餘名陣斬僞神將朱三元生
擒僞先鋒游竹游諸生潘得壽等多名賊遂紛紛敗竄
時已戌刻官軍乃收隊還十四日汪逆挑親隨悍黨數
千卽賊中號稱標旗手者並僞奉王黃十四等逆眾萬
餘傾巢來犯康國器料賊詭謀必虛攻程官垠待高思

各軍出援卽圍襲後路當一面飭林本馮南斌率所部馳往程官埠助剿一面飭康熊飛吳光亮關鎮邦等嚴守營壘挑選銳卒伏於石灰崗烏泥嶺兩山之間伺賊竄入然後擊之辰刻汪逆果喉胡瞎子何明亮等率眾分撲程官埠營壘勢甚洶湧林本馮南斌熊應烈羅洪標湯彪等屹立不動賊撲近官軍排鎗轟擊斃賊甚多賊却復前者十餘次知官軍難撼汪逆乃令胡瞎子等牽制程官埠各營親率偽奉王黃十四偽王宗汪大力等二萬餘人逕撲高思官軍營壘康熊飛率隊登山迎

敵佯退誘之追賊入伏中吳光亮康熊飛關鎮邦等從
兩邊山坳突出伏兵盡起鎗炮如雨偽王宗汪大力中
鎗立斃偽奉王黃十四擊傷右腿墜馬落澗而遁官軍
四圍縱擊陣斃偽叅護汪得勝等悍賊六百餘名斬馘
四百七十餘級奪騾馬四十餘匹鎗炮旂幟千餘件賊
大敗退上山巔汪逆痛哭上馬勒諸賊拚死回關康熊
飛率昭武兩營擊其前吳光亮關鎮邦率飛虎德義兩
軍抄其後鎗炮齊施刀矛緊接鏖戰一時之久哨弁康
達本身受鎗傷猶裹創血戰賊漸不支康熊飛督隊猛

進見汪逆手執令旂往來趣戰卽調練鎗隊指定轟擊鎗子洞穿汪逆左手腕擊逆急昇之遁走賊隊大亂立斃悍賊四百餘名斬馘一百八十三級吳光亮開鎮邦又從兩路抄來賊愈喪膽墮崖落澗死者不下數千時林本馮南斌熊應烈羅洪標湯彪亦將胡瞎子何明亮兩逆擊敗斬賊四百餘名汪海洋胡瞎子等遂連夜遁回鎮平官軍沿路追殺至亥刻始行收隊計是役共陣斃悍賊二千餘名受傷者不計其數官軍陣亡四十五名受傷者二百三十四名是日張恒祥亦率隊至分水

均一帶察看地勢遇賊數百擊走十五日黃少春張恒祥復出隊至羅岡羣賊皆鼠伏不出此康國器一軍剿賊連獲勝仗之實在情形也竊賊與餘逆惟汪海洋一股兇狡最著此次經康國器督軍剿敗殲斃悍賊甚多旬日以來伏匿不出兇醜頓衰屢據逃出賊供鎮平賊久思由武平竄深西因汪逆新被重創一時猝難遠竄臣等以賊踞鎮平尙未鼠動各軍自應以剿爲防步步進現劉典所派總兵劉明燈簡桂林副將張福齊等已抵武平臣等卽飭高連陞黃少春兩軍由巖前中赤

進駐廣福鄉以攻鎮平之北劉典所部填紮下垵盤龍岡爲各軍聲援兼顧江西其王德榜一軍則由上杭象洞相機前進以與高連陞黃少春康國器各軍互相聯絡粵軍能嚴扼鎮平西南不任賊蹤紛竄閩浙各軍由鎮平東路北路東南路節節逼剿而進自可漸合長圍以期聚殲惟頃據廣東藩司李福泰稟報長樂縣城又被花旗賊竄陷現催卓興鄭紹忠等軍往剿是該藩司前議先將花旗撲滅再集龍長之師會歸鎮平既勢有未能聞軍亦逼不及待而方耀鄧安邦兩軍現雖駐鎮

平之南距城尙遠亦未知能力扼西南否也所有此次
康國器一軍越境剿賊以寡勝眾在事弁勇實屬奮勉
異常可否由臣等查明擇尤請
獎其力戰陣亡之把總區昌克復龍巖及永安解圍計
功應保守備應請

飭部照守備陣亡例議卹以慰忠魂理合恭摺馳
奏伏乞

皇上聖鑒訓示施行再此摺係臣宗棠主稿合併聲明
謹

卷 同治四年七月三十日

軍機大臣 字寄閩浙總督一等恪靖伯左宗棠廣州
將軍兼署兩廣總督瑞麟福建巡撫徐宗幹江西巡撫
劉坤一署廣東巡撫郭嵩燾傳諭暫護江西巡撫布政
使孫長綬同治四年八月二十三日奉

上諭左宗棠等奏官軍剿賊獲勝親飭各軍分道進剿
瑞麟等奏花旗股匪闖入長樂縣城官軍合力圍攻各
一摺覽奏均悉竄粵餘逆惟汪海洋一股兇狡最著此
次經康國器督軍痛剿殲斃悍賊甚多汪逆身受重創

一時卒難遠竄自應以剿爲防步步圍逼方能聚而殲
旃左宗棠現飭令高連陞等進逼鎮平之北令劉典王
德榜等分屯要隘聯絡聲援惟鎮平西南一路必須專
軍嚴扼其衝而花旗股匪竄陷長樂卓興等軍爲所牽
綴僅餘方耀鄧安邦兩軍恐不足以退賊奔突著瑞麟
郭嵩壽督飭方耀等實力扼守一面嚴飭卓興等將長
樂縣城迅圖攻克殄滅花旗一股庶得早日合兵殲除
汪逆席寶田唐雲慶等軍前已有旨令其馳赴鎮平會
剿卽著劉坤一孫長敘遵照前旨迅速調派毋得稍分

畛域左宗棠前已有旨令其馳赴鎮平督辦軍務廣東
福建江西三省兵勇均歸節制卽著懷遵前旨迅速前
進妥籌一切如有不遵調遣及遲玩軍務者並著查明
叅奏以一事權康國器一軍越境剿賊以寡勝眾著准
由左宗棠等查明出力員弁擇尤保奏力戰陳亡之把
總區昌著照守備陣亡例議卹以慰忠魂長樂文武下
落著瑞麟等查明具奏都司黃添元鄧奮鵬奉派馳援
長樂輒因溪漲路阻未克迅速赴援以致被匪攻陷實
屬咎無可辭黃添元鄧奮鵬均著卽行革職仍令隨營

効力贖罪將此由六百里諭知左宗棠瑞麟徐宗幹劉
坤一郭嵩燾並傳諭孫長綾知之欽此

請將救援不力之將備革職等因片

再前署福建陸路提督林文察上年十一月初三日在
漳州瑞香亭地方陣亡所有救援不力之營官已革副
將惠壽遊擊許忠標賴正修守備許如龍曾奏恭摺職
擊問在案茲查都司蔡茹守備許忠勝均當時率勇先
潰恭將顧飛熊紮營漳州東北渡頭黃坑當林文察戰
沒時亦未實力救援並分去林文察遺存餉銀四千三

百兩事後報稱添募壯勇四百名先後據林文察之叔
候選知府林尊國前護漳州鎮總兵郭什春具稟前來
相應請

旨將恭將領飛熊都司蔡茹守備許忠勝一併革職拿
問以便歸案審辦理合附片具

奏伏乞

聖鑒謹

奏同治七年七月二十日

軍機大臣奉

自顧飛龍蔡茹許忠勝著一併革職拏問歸案審辦欽此

分路進剿大勝現存辦理情形摺

奏爲各軍分路進剿克復大勝現籌辦理情形恭摺馳
奏仰祈

聖鑒事竊康國器一軍進駐鎮平東南高思程官埠擊
賊獲勝後汪逆海洋伏若鎮平不出時遣賊黨至分水
崗一帶窺犯閩邊仍希由武平以竄江西劉典所部副
將張福齊總兵劉明燈周桂林等已抵武平進剿下壩
嚴後路之防高連陞黃少春卽於七月二十四五等日
陸續進紮鎮平北路廣順鄉羅岡道員張恒祥分挽三

營與黃少春合紮高連陞等踰嶺下窺賊勢見賊於縣城東北路亭下修築堅壘外開長濠守禦甚固嶺路屈折嶙削不堪容趾旁徑如流並非戰地而形勢險要在所必爭八月初一日高連陞飭親兵進紮分水均中路魏光祚朱体盛兩營紮於均之左張志公一營紮於均之右自率各營列隊均外伺之該逆初伏不出午刻突出數千乘我營壘未就拚死來撲副將曾光德等督隊馳擊斃賊甚多適黃少春率親兵馳至賊仍縮入卡內高連陞黃少春會商賊必猛撲新壘俟其逼近兩軍分

左右縱擊乃可多殺卽就陣上指示所部將士令其屆時遵照布置相機應之初二日汪逆果親率悍黨數萬傾巢大出分三路直撲分水均新壘高連陞飭魏光祚張志公朱體盛等堅壁勿出靜以待之飭李士順率所部從右路錢桂仁率所部從左路曹光德率所部從中路迎擊高連陞自率親兵馬隊居中策應官軍奮威衝擊該逆不能抵禦紛紛敗走正麾軍乘勢掩殺間汪逆又嚇大前大左副後各賊由左路僞佑王李遠繼僞平東王何明亮僞奉王黃十四由右路翻山而下勢極兇

湧將抄出分水均各營之後高連陞飭曹光德穩扼中路抽親兵三哨及鎗隊分助左右兩路飭魏光祚分隊助守朱體盛營壘飭朱體盛督隊出壘迎擊甫戰十餘合朱體盛右臂忽被鎗子洞穿叅將黃北海急率鎗隊橫出夾擊魏光祚錢桂仁亦督隊馳應賊不能支退上山巔時張恒祥所部副將李大有等亦正從左路來援見賊退聚山巔李大有率各勇擊之立斃悍賊多名其李士順在右路迎敵先已將賊擊敗旋因中路之賊漸趨右路愈眾愈多李士順持矛衝入賊中身受三傷勢

幾不支適黃少春飭所部總兵劉端冕副將馬駿發高
方吉遊擊謝復雲劉甫田已各率所部馳至黃少春復
力疾督隊繼之各路如牆而進賊不能當祐逆李遠繼
復逼諸賊回鬪劉甫田率親兵馳馬大呼陷陣左路忽
出悍賊數十矛刺劉甫田戰馬立斃劉甫田奪矛衝殺
劉端冕馬駿發謝復雲亦各下馬持矛與賊鏖戰擬保
副將羅其泰擬保遊擊陳高華擬保都司唐有才周柱
良副將譚同聲花翎守備盧起鳳羅得勝各挺矛刺殺
數賊譚同聲盧起鳳身受重傷猶裹創血戰賊眾披靡

奪路狂竄官軍追過山坡又爲高連陞各部所截賊攀崖越澗紛向城壘而竄汪逆見兩路之賊俱敗卽飛馬逃回鎮平曹光德率隊由中路追殺數里天晚始行收隊計是役轟斃戮斃悍賊約三千餘名生擒百數十名內有僞天將等賊目十餘名賊之自相蹂藉墮崖落澗死者不下數千奪旗幟鎗礮千餘件官軍受傷陣亡者亦百餘名其康國器一軍於七月三十日進攻鎮平城東南九曲岌脚石古排賊壘甫抵該處逆賊率黨來拒康熊飛吳光亮林本闢鎮邦等督各勇奮擊斃賊目二

名賊黨五六十名勢稍却逆首胡瞎子率黨從九曲岌
分三路來援康熊飛吳光亮林本關鎮邦督各軍分投
迎敵又鏖戰逾時斃先鋒悍賊二十餘名斬馘十四級
賊敗翻山而遁石古排之賊見援賊已敗不敢戀戰紛
退入壘時熊應烈羅洪標湯彪督隊馳至合軍追擊斃
賊無算奪旗幟軍械二百五十餘件追抵石古排賊壘
濠邊始行收隊是日偽天將張祥順周建榜及各賊日
楊貴雲李吉寬盧東芳等見官軍進攻卽率黨千餘由
峯日村小路乘間脫出赴高思康國器營乞降康國器

受之分別桃留遣散此各軍分路進剿獲勝之實在情
形也竊汪逆海洋經官軍迭次剿敗勢本窮蹙急思覓
路逃竄恐聞軍追蹙其後不能善脫妄圖衝犯閩邊各
壘由間道迂竄江西邊界是日擒斬各賊身邊皆帶有
包裹乾糧是其徵也據康國器稟報接廣東藩司李福
泰函稱長樂逆首林正場已將僞來王陸順德擒獻到
營輸誠自首即日可期截事粵東騰出龍長兵力自可
速進鎮平西南以相擒魚據降人密稟各則以汪逆兇
虐難堪多願納款現王德榜十軍由象河前進高連陞

黃少春康國器等軍距鎮平縣城均不過二三十里臣
宗棠本擬俟高連陞分水均營壘紮定卽飭其漸次延
紮而西以出平遠與劉清亮盤龍岡之師會合遏賊奔
衝昨接記名提督正定鎮總兵婁雲慶稟報接江西撫
臣劉坤一飛函進兵會剿擬八月中旬拔過長甯從八
尺出平遠大柘席寶田一軍出平遠東石是鎮平西路
平遠一帶亦有重兵與閩粵各軍聲勢皆可聯絡高連
陞黃少春康國器等軍卽可由鎮平北路東路東南路
併力逼攻免致顧此失彼臣等惟當慎以圖之所有此

次剿賊尤爲出力之閩浙補用總兵趙勇巴圖魯劉端
冕請

賞換清字勇號副將馬駿發李大有請

賞加總兵銜叅將銜遊擊謝復雲請以叅將畱於福建
補用并請

賞加副將銜藍翎守備劉雨田請以都司畱於福建補
用並

賞換花翎以示鼓勵其餘出力將弁勇丁可否由臣等

彙案保

奏出自

天恩理合恭摺馳

奏伏乞

皇上聖鑒訓示施行再此摺係

宗棠主稿合併聲明

謹

奏同治四年八月十五日

同治四年九月初六日內閣奉

上諭左宗棠徐宗幹奏官軍分路進剿鎮平距匪迭獲
大勝一摺髮逆汪海洋伏匿鎮平堅壘固守高連陞黃

少春等由北路分水均進攻任逆傾巢分三路來撲官軍奮勇衝鋒該逆紛紛敗走左右兩路之賊復翻山而下將抄官軍之後高連陞分隊迎擊賊不能支退上山嶺李大有等從左路進擊斃賊多名中路之賊漸趨右路黃少春督隊繼進血戰而前賊眾披靡奪路狂竄江逆見兩路之賊俱敗逃回鎮平官軍追殺數里統計斃悍賊三千餘名生擒百數十名內有偽天將等賊目十餘其自相蹂躪墮崖落澗者不下數千名康國器一軍由鎮平東南進攻廬戰逾時斃賊多名匪黨翻山遁

竄追至石古排賊壘僞天將張祥順等赴營乞降剿辦
均爲得手此次尤爲出力之總兵劉端冕著賞換格洪
額巴圖魯名號副將馬駿發李大有著賞加總兵銜遊
擊謝復雲著以叅將留於福建補用並賞加副將銜守
備劉甫田著以都司留於福建補用並賞換花翎其餘
出力將弁等准左宗棠彙案保奏以示鼓勵本日復據
劉坤一奏江西赴粵會剿各軍迭次獲勝一摺席寶田
一軍由平遠進逼鎮平賊眾五六萬人來犯席寶田麾
軍掩殺十盪十決力戰四時之久殺賊六七千人生擒

二三千人棄械乞降者無數汪逆復率黨七八萬與僞
東平王繼至官軍分路迎擊又斃三四千人內有僞小
王宗汪休等賊目十餘名將僞東平王一股全行擊散
前後招降一萬三四千人婁雲慶一軍出平遠之八尺
墟聞賊已爲官軍所挫折竄大柘卽率隊馳往邀擊鏖
戰數時乘勢追殺二十餘里共斃賊三千餘名生擒八
十餘名婁雲慶復田間道追剿該逆且拒且卻官軍槍
礮轟擊又斃賊二千餘名生擒一百餘名援剿甚爲得
力卽著左宗棠劉坤一飭令江西閩粵各軍乘此聲威

掃穴擒渠盡殲醜類陣亡叅將許貴元藍翎都司楊興
元藍翎守備劉得芳藍翎把總張萬明均著交部從優
議卹欽此

軍機大臣一字寄閩浙總督一等恪靖伯左宗棠廣州
將軍兼署兩廣總督瑞麟江西巡撫劉坤一福建巡撫
徐宗幹署廣東巡撫郭嵩壽同治四年九月初六日奉
上諭左宗棠等奏各軍分路進剿克獲大捷現籌辦理
情形劉坤一奏馳抵江西任事赴粵會剿各軍迭獲勝
仗各一摺本日已明降諭旨將劉端冕等照左宗棠等

所請分別獎勵許貴元等照劉坤一所請分別優卹矣
汪逆盤踞鎮平迭經官軍剿敗急思覓路逃竄遣黨至
分水均一帶圖由閩邊竄犯江西高連陞黃少春等分
路縱擊殺賊甚多汪逆復逃回鎮平席寶田由平遠進
扼東石連獲大捷斬馘及招降者甚眾逆眾折竄大柘
復經婁雲慶擊敗江閩等軍入粵先後敗賊賊勢已蹙
惟汪逆人數尙多難免橫流旁溢之患左宗棠現飭高
連陞等由鎮平北路東路東南路進逼而席寶田婁雲
慶與駐篁鄉堡等處之兵皆已嚴爲之備著左宗棠劉

坤一卽檄飭各軍實力進攻無任竄逸左宗棠當懷遵迭次諭旨迅赴粵境調度各軍以一事權劉坤一仍檄催劉連捷等速抵南安定南以固江省門戶一面嚴催入粵之席寶田婁雲慶各軍會合閩粵各軍協力圍剿投誠一股人數甚眾著妥爲安插勿稍大意左宗棠奏長樂逆首林正揚已將僞來王陸順德擒獻到營輸誠粵東騰出龍長兵力自可速進鎮平西南與各路援軍互相掎角著瑞麟郭嵩燾檄令卓興等移紮鎮平聽左宗棠調遣以資得力將此由六百里各諭令知之欽此

奏報克復鎮平縣城追剿獲勝情形摺

奏爲官軍克復廣東鎮平縣城追剿竄賊大獲勝仗恭摺

奏仰祈

聖鑒事竊高連陞等分營進紮鎮平北路分水均擊賊獲勝後八月初七八等日高連陞復率副將曹光德都司錢桂仁兩營紮於分水均之中黃少春率所部各營紮於分水均之左道員張恒祥分所部三營紮於分水均之右其地距鎮平縣城二十里距白泥湖賊壘僅三

四里登高而望形勢瞭然該逆屢爲官軍所敗又見官軍逼近俯瞰鎮平甚爲洶懼乘我營壘未就突出數百人拚死來犯經高連陞黃少春督各營擊敗之是日康國器由鎮平東南督康熊飛吳光亮率所部攻石古排賊壘林本關鎮邦率所部攻對門營賊壘熊應烈羅洪標湯彪率所部攻白果山賊壘分路并進康熊飛等甫出長旂嶺逆首胡瞎子已列隊九曲岌頂月挑洋鎗騎馬悍賊數千飛奔而來康熊飛吳光亮督隊奮擊斃騎馬悍賊五十餘名斬馘三十餘級奪馬二十餘匹賊猶

死拒不退林本關鎮邦熊應烈羅洪標從左右夾擊斃賊數百名賊始潰走康熊飛吳光亮等追抵賊壘濠邊連施鎗礮順民龔長春張祥順等拔開籤椿越濠而進壘垂破矣遇大雨收隊雨止復攻是夜逆首胡永祥卽胡瞻予遞稟乞降康國器料其詐也飭各營乘夜疾進直薄壘下守備李如奮勇先登中鎗陣亡康熊飛督各營繼之噴筒火箭迸注賊壘煩刻烟燄飛騰官軍乘勢破棚而入立將石古排賊壘焚毀各壘之賊亦同時驚潰康國器令各營乘勝急攻鎮平縣城北抵城邊汪逆

已率黨開西門逃竄是時高連陞黃少春等軍已將白泥湖賊壘掃蕩疾驅而至高連陞遂率所部魏光邴曹光德張志公劉三元李士順錢桂仁程學明等由北門黃少春率所部劉甫田李良平高方吉劉端冕馬駿發謝復雲伍先申及張恒祥所部由東門吳光亮關鎮邦等由南門衝殺而入搜斬逆賊千餘當於初十日卯刻將鎮平縣城克復卽分率所部躡踪追擊至城外河邊汪逆猶驅各賊於橋頭力堵高連陞黃少春等分路抄擊康熊飛等亦督隊馳至立斃騎馬執黃令旗賊目四

名斷後悍賊數十名賊大披靡爭搶過橋各軍乘勢逼
近陣斬悍賊千餘擁擠落水死者約二三千獲賊馬百
餘匹拔出難民數千該逆前隊已分三路祐逆李遠繼
一股向梅子畚叛逆黃矮子一股向大寨康逆汪海洋
一股由東石均向平遠而遁是日午後高連陞黃少春
等復分路追至冬桃鄉擒斬解散無數十一日黎明黃
少春率所部各營由間道直趨東石鄉高連陞各營繼
之比見後股逆賊萬餘正向平遠而來黃少春率中營
及伍先申馬隊由中路劉端冕劉甫田高方吉三營由

左路馬駿發謝復雲李良平三營由右路邀擊該逆始
猶抵拒官軍奮威衝殺立斃騎馬悍賊數名賊勢不支
紛紛竄走各營從左右抄出截賊數段賊棄器械輜重
馬匹翻山狂竄官軍四圍縱殺斃賊千餘奪驟馬二百
餘匹洋鎗百四十五桿另有賊一股四千餘人爲官軍
圍住紛紛伏地乞降黃少春傳令受之訊據賊目僞天
將廖豐有僞朝將王滿瑞王陳英聶饒陳治等供稱皆
廣東人爲僞平東王何逆部黨本日官軍三路截殺何
逆隻身逃走餘黨已死散殆盡矣其康國器所部分兩

路緊追至竹子灣賊方設伏圖陷官軍山樹叢雜間時
露旂幟康熊飛卽飭龔長春張祥順佯入誘之自率所
部伏於山前吳光亮由間道截其後林本關鎮邦從山
坑擊其旁布置甫定龔長春等鼓噪而進伏賊號炮齊
發喊聲四起忽康熊飛從山前殺出林本關鎮邦分左
右抄來伏賊遂破奪路紛竄吳光亮從後截殺羅洪標
等亦率隊馳至合力痛剿斃賊一千餘名將沿途賊館
二十餘處一律踏毀十二日追至茅樓坪適先犯東石
之賊經江軍席寶田截擊大敗折回康熊飛等麾軍截

擊斃賊甚多該逆不取迎拒急向大柘而竄官軍追至大柘又斃賊七百餘名計克復鎮平後沿途追剿前後殺悍賊復萬餘名收降數千名拔出難民無數現高連陞黃少春康國器等軍躡踪緊追尙未收隊劉典所部副將張福齊總兵劉明燈簡桂林等進紮下壩聞賊竄動已由平遠出入尺攔截此克復鎮平縣城並追剿竄賊大獲勝仗之實在情形也竊汪逆海洋負隅鎮平登思由閩邊衝竄江西迄不得逞遂改由平遠覓路而竄汪逆知各賊思散其由鎮平竄出也盡將各賊及輜重

袁真中央其親信死黨則分隸前後以拒官軍幸江閩
各軍前赴後追連日痛剿殲斃甚多兇鋒大挫據報賊
踪又改由石正龍虎墟一帶分路竄走如江粵各軍能
嚴扼其前固軍復繫蹙其後此股可與盡殲惟現在局
勢席寶田一軍新在東石得獲大捷斐雲慶一軍正由
平遠而來周寬世王開琳兩軍分駐長樂賊如仍圖就
近竄江自可掃滅所慮由廣東興甯和平竄南雄將來
必仍爲江西湖南邊患臣宗棠已分飭入粵各軍踞踪
追剿如漸趨南雄則劉典一軍由武平出江西安遠信

竄急趨南安以兼顧湖南邊境此固制賊本謀也惟師
行山谷之間險遠殊甚未審能無誤事機否所有各軍
克復鎮平連日冒雨追剿勞瘁異常可否由臣等彙案
保獎以示激勵其力戰陣亡守備李如克復龍巖及永
定解圍計功應保都司請

飭部照都司例從優議卹理合恭摺馳

奏伏乞

皇上聖鑒訓示施行再此摺係田臣宗棠三稿合併聲

明謹

奏 月治四年八月三十三日

軍機大臣奉

旨 另有旨欽此

附陳鮑提督所部仍請由該員自爲主持片

再 臣 宗棠欽奉七月初八日

寄諭鮑超力疾起程日期一摺 霆營叛勇現與花旗股匪合併竄擾興甯一帶大爲江甯邊境之患鮑超擬於六月二十六日力疾起程赴鄂募勇往剿具見以國事爲重惟兵在精不在多鮑超此次召募新勇尤當慎重

簡選嚴明約束務使增一勇得一勇之力不准再多尤
不准再以無賴之徒雜廁其間致貽後患所有該營一
切應用餉項卽著官文鄭敦謹李瀚章孫長絳妥爲籌
畫設法協濟各該省每月撥餉若干並著迅速定議具
奏一面如數撥解俾得通行康逆大股尙踞鎮平叛勇
又於江粵交界出沒無常鮑超一軍應由何處先行進
兵並著與左宗棠等妥商辦理鮑超到江西後一切進
止機宜卽著歸左宗棠節制以一事權專雲慶所帶各
營本係鮑超舊部將來卽可由該提督調度庶呼應靈

通剽賊必更得力將此由五百里諭知官文左宗棠鄭
敦謹李瀚章並傳諭鮑超孫長紱知之欽此臣維鮑超
籍隸四川而流寓湖南最久自其富長沙協標兵丁時
臣卽識之其爲人也好勇負氣樸拙自喜於所敬禮之
人尙能屈意承之至意所不可則雖其人降心以從亦
不答也其治軍也貴勇而賤謀喜用衆而不能用寡其
徧裨專取猛士不盡責以紀律惟臨陣則法在必行所
部多悍卒川楚哥老會匪亦雜廁其間頻年馳援江西
皖南戰功卓著爲賊所憚兩省士民遇賊至則喜其來

賊退則惟恐其去之不速正以此輩善擾足爲聲名之累也

諭旨此次召募新勇尤當慎重簡選嚴明約束仰見

聖明燭照無遺現在婁雲慶一軍萬餘人自鮑超上年

袖調西征後婁雲慶從新整理聞已改觀鮑超到後統

其舊部自能得力將來與臣相距若近所有進止機宜

臣自當與之悉心商酌若彼此相距過遠勢難遙制古

云巧遲不如拙速仍應由鮑超自爲主持不必歸臣節

制翻多延滯現在汪逆已敗竄西趨臣軍又成尾追之

勢應否請

旨飭下鮑超令其隨賊所向相機截剿自可掃蕩餘氛
仰副我

皇上矜惜將才至意惟愚衷有不敢不盡者鮑超上年
西行所部誤變因由匪徒肇衅亦因月餉積欠過久致
然客軍無籌餉之地武臣無籌餉之權一切惟仰給於
人而該軍校各軍爲分其欠餉亦較各軍爲最鉅

諭旨飭湖北湖南江西妥籌撥餉三省督撫臣自必盡
力籌維以顧大局然協餉之不足恃久矣彼此時艱同

值持籌者之諉謝本屬有詞客軍轉戰靡常出境後之徵求待以取厭正恐展轉延宕而該軍仍無屆飽之期也今東南巨逆僅剩汪洋一股如果閩粵江西三省合力剿辦截者截追者追自可悉數掃滅鮑超一軍既苦餉無從出似不如并糞雲慶舊部精爲挑汰約存五六千名令江西酌清舊欠以後師行所至各省應其新餉庶勇額減而餉易供查該軍得有的餉法令行而銳氣可期復振矣應否如斯之處伏候

皇上採擇施行謹

奏 同治四年八月二十三日

軍機大臣奉

旨月有旨欽此

軍機大臣 字寄閩浙總督一等恪靖伯左宗棠廣州
將軍兼署兩廣總督瑞麟福建巡撫徐宗幹江西巡撫
劉坤一署廣東巡撫郭嵩勳同治四年九月十五日奉
上諭左宗棠等奏克復鎮平官軍追剿竄賊大獲勝仗
一摺與瑞麟郭嵩勳前奏大畧相同汪逆負固鎮平經
康國器高連陞等督軍援剿連克堅壘直薄城下汪逆

開西門逃竄復經高連陞等追剿斃賊甚多該逆現由石正龍虎墟一帶分路竄走如江粵各軍能嚴扼其前閩軍能緊躡其後日可漸就殄除著左宗棠卽飭入粵各軍跟踪追剿不可稍涉鬆勁劉坤一卽飭婁雲慶席寶田等軍迎頭截擊勿任闖入江境如由廣東興甯和平竄至南雄將來終恐爲江西湖南邊患著瑞麟郭嵩燾督飭方耀等軍認真截剿如有趨南雄信自左宗棠飭劉典一軍由武平出江西安遠信豐急趨南安兼顧湖南邊境該督撫等總宜通力合作將此股逆肅剿盡

勿留遺孽致貽後患此次出力各員并著左宗棠等具
案擇尤保獎以示鼓勵陣亡之守備李如著照都司陣
亡例從優議卹以慰忠魂另片奏鮑超一軍應由該提
督自爲主持等語前因粵省賊勢漸衰已有旨交該
提督成軍後帶赴楚豫交界剿辦張總愚股匪仍飭
該提督酌量國藩節制婁雲慶軍本係鮑超舊部仍著該提督酌量
檄調著左宗棠傳知該員懍遵前旨赴裕州泌陽地方
剿賊如汪逆一股辦竣并著飭令婁雲慶一軍亦赴南
裕一帶交鮑超調遣以資得力將此由六百里各諭令

知之欽此

覆陳查明侍逆已爲汪逆所殺情形片

再臣欽奉閏五月二十六日

上諭李世賢一犯或云衝沒或云被擒或云自刎尙無
實在下落仍著查明具奏欽此臣等前據各軍紛據逃
出賊目稟報李世賢自永定敗潰後夜半偷渡隨行觸
斃數人復覓水上岸割去鬚髮逃匿山中以其能據
州土音遂詭稱漳州難民人無知者於是夜行暨伏至
六月二十八日隻身逃至鎮平縣倩民人送信汪逆汪

逆李黨郊迎並馬同入縣城因其舊黨百餘人滋訴汪
逆猜狠之狀心不善之汪逆前曾藉詞不救待逆殺其
舊黨李元茂等茲見李世賢至亦不自安遂於七月初
三夜密遣賊黨四人乘李世賢酣臥時殺之並殺其舊
黨偽王宗偽天將偽朝將等五人傳示各賊館揚言侍
逆已降官軍茲入鎮平復結黨圖爲內應也臣等猶恐
所聞不確未敢遽以入

奏茲鎮平克復之後詢之降人難民所言皆同並見汪
逆所貼偽示中有侍王心懷險毒不得已而行此法等

語則有逆之長轉求生而卒遭汪逆毒手實無可疑此
賊與李秀成同爲金陵巨逆屢經官軍痛剿將欲就擒
輒復逸去本年正月二十四日高連陞鎮門大捷已獲
其馬偏覓有逆不得後乃知顏厝前土民顏魁以破舟
載之回漳也此次敗後潛逃以投汪逆而卒爲汪逆所
殺益見天網恢恢疏而不漏臣等謹據實覆陳伏乞

聖鑒施行謹

奏同治四年八月二十三日

軍機大臣奉

旨知道欽此

陳請准將曾道留閩俟補缺後送部片

再前任興泉永道曾憲德於同治三年四月十二日奉
上諭著開缺送部引見等因欽此交部後本應給咨送
部通值閩省軍務告警經臣等奏留辦理巡防局務旋
委赴廈門查辦洋人濟匪一案因辦理悉臻妥協並查
獲古董輪船一隻通逆洋匪多名復經臣等奏請以道
員仍留福建補用並

賞加按察使銜奉

旨該衙門議奏欽此嗣准吏部議覆所請以道員仍留
福建補用應俟赴部引

見後再行分別核辦臣等伏查曾憲德前任興泉永道
於廈門地方情形甚爲熟悉現辦理廈門釐稅及轉運
事宜均能認真經理鄧廷枏既檄速赴臬司本在所遺
興泉永道篆務乏員接署已

奏請將該員署理可否仰懇

天恩俯准將曾憲德以道員仍留福建補用俟補缺後
再行送部引

見之處出自

聖裁伏乞

皇上聖鑒謹

奏

同治四年八月二十三日

軍機大臣奉

旨另有旨欽此

軍機大臣 字寄同治四年九月十五日奉

上諭又奏前興泉永道曾憲德熟習地方情形人甚明
幹請令仍署興泉永道並請將曾憲德仍以道員留福

建補用等片均著照所請行惟曾憲德一員二年間由
左宗棠於年終密考摺內稱其前在延建邵道任內辦
事諸多委卸才識均庸是以有開缺送部引見之旨此
次復據該督保奏何以該員一人之身前後異轍如此
著查明覆奏將此由六百里各諭令知之欽此

克復武康等城暨截剿出力員弁請獎摺

奏爲遵將克復武康德清石門孝豐安吉湖州各城暨
三次截剿竄賊出力員弁彙案保獎恭摺仰祈

聖鑒事竊臣欽奉同治三年三月二十六日

上諭左宗棠奏官軍克復武康德清石門三縣並截剿
竄匪獲勝一摺其餘出力員弁准其由左宗棠存記彙
案保獎該部知道欽此又奉三年六月二十三日

上諭左宗棠奏進規湖郡迭獲勝仗並攻克孝豐縣城
生擒首逆一摺其餘出力員弁著俟克復湖州彙案保

獎該部知道欽此又奉三年八月十五日

上諭左宗棠奏克復湖州安吉兩城並追剿竄賊大獲
勝仗各摺片所有在事文武數月以來迭次苦戰尙屬
著有勞績著俟此股竄賊剿除卽由左宗棠分別保獎
候旨施恩欽此又奉三年九月二十三日

上諭左宗棠奏浙軍出境追剿連獲勝仗見籌剿辦情
形一摺各軍追奔逐北千餘里備極勤劬著准其量人
克復湖州安吉案內一併保獎欽此伏查杭州餘杭兩
城攻克後逆賊負隅石門及湖州各屬經蔣益澧楊昌

浚分督水陸各軍將武康德清石門等縣克復並連破
菱湖東林山等處嬰隘由東南節節逼剿而進首逆偽
堵王黃文金猶恃孝豐安吉長興各城未下足與湖郡
犄角拚死相持迨長興孝豐攻克官軍迭次苦戰獲勝
東路南路險要盡已攻克蘇軍復由西北兩路並進該
逆勢窮力絀恐官軍四面合圍乃於七月二十六夜棄
湖郡竄走一向廣德一向孝豐其安吉踞逆亦於二十
八夜出竄合計兩路及廣德上竄之賊人數尙不下二
十餘萬官軍沿途追殺殲斃溺斃及逃散就撫者實有

十數萬人首逆黃文金斃於昌化白牛橋賊勢愈益渙散官軍復於淳安威坪徽州建口遂安開化等處節節攔截後越境追至江西玉山廣豐鉛山湖坊陳坊以至福建交界之雲祿關乘勝逐北一千餘里將二十餘萬狂寇悉就皖浙江閩邊界殲除漏網者不過數千卒爲江西所滅在事文武實屬奮勉異常勞瘁倍著其黃少春王開琳等軍上年正月在遂安截剿蘇皖竄賊擒斬解散萬餘人三月截剿陳炳文汪海洋大股山歙境小川以至玉山妙溪又斃賊萬餘援出難民二三萬皆送

次陳明應彙案保獎茲據各營開摺請獎前來臣逐加
覆核雖所保人數較多然實係克復武康德清石門孝
豐安吉湖州各城及三次截剿竄賊在事尤爲出力水
陸馬步共百餘名彙歸此案辦理尙無冒濫除記保以
藍翎千總把總外委援補者咨部註冊暨武職各員均
係打仗出力外其文職各員亦分別填註考語一併開
列清單恭呈
御覽伏乞

皇上聖鑒訓示 行再此次所保文員俱係隨營出力

及辦理局務勞績尤著者其餘地方員紳籌辦防守餉需等事亦尙著有微勞當全省肅清自亦應酌予獎叙容再查明另案辦理合併聲明謹

奏

同治四年八月二十五日

請給楊臬司三代二品封典以示優獎片

再浙江按察使楊昌濬上年克復餘杭後卽督各軍蹕踪進剿於三月初四日攻克武康縣城分營進駐三橋埠以與湖州南路白頭各營聯絡并一面督軍進規安吉迨湖郡克復安吉踞逆亦連夜竄走楊昌濬督率各

營由安吉孝豐追至甯國縣屬七都擒斬解散無數賊
由此路竄逸者僅祇數百人實屬盡瘁馳驅勞績卓著
可否仰懇

天恩俯准將浙江按察使楊昌濬

賞加布政使銜並

賞給該員三代二品封典以示優異理合附片具

奏伏乞

聖鑒謹

奏 同治四年八月二十五日

請將助剿出力洋將給予加銜翎頂片

再權授中國總兵德克碑實波稅務司日意格均法國人上年赴湖州助剿當逆賊圍攻東埠官軍營壘時德克碑日意格督率所部洋鎗隊淺水輪船前往助戰甚爲踴躍追湖郡克復全浙肅清該總兵等奉檄撤遣一切均恪遵條約毫無參差並稱嗣後中國如有差違仍願屢中國出力在諸洋將中最爲恭順查前次攻克杭州德克碑已蒙

恩賞給頭等功牌並銀一萬兩此次可否將德克碑

賞加提督銜日意格

賞加總兵銜其隨同剿賊出力之英國教師懷樗常林
模可否

賞給五品翎頂軍功梅勒西僕舒二名可否

賞給四品頂戴以示鼓勵現在德克碑早回本國日意
格尙在甯波屢各申啓求於湖州保案奏懇

天恩似有希望之意得此以爲榮幸

臣不敢壅於

上聞理合附片具陳伏乞

聖鑒施行謹

奏同治四年八月二十五日

查明迭次打仗陣亡傷故員弁請議卹摺

奏爲查明迭次打仗陣亡傷故員弁請

旨分別議卹恭摺仰祈

聖鑒事竊照劉典一軍於同治二年援剿江西皖南黃
少春王開琳等軍於三年駐防嚴州遂安兩次截剿竄
賊並楚洲水陸各軍攻剿湖州安吉孝豐等處及沿途
追剿竄賊陣亡弁勇除業經隨摺請

卹外茲據各營開具清摺並受傷病故各員彙案請

卹前來臣覆查無異合無仰懇

天恩俯准飭部分別議卹以慰忠魂理合繕列清單
恭呈

御覽伏乞

皇上聖鑒施行謹

奏
同治四年八月二十六日